



تورک بوردی

Yıl: 1 Sayı: 5 12 Kâmursani 1327
اون بش کوندک بر چیقار تورکلرک فائده سنه چالشیر

یائش ، اویورورکن دده من طوبراغمزده ،
 دوکدکاری قان چاغلار ایکن ایرماغمزده ،
 دوشمان سسی وار ، باق صولمزده ، ضاغمزده ؛
 دوشمان ایزی وار ، باق ، اووامزده ، طاغمزده [۱] ...
 دوشمان سسنی طوپ سسنه کسدیرم گل ؛
 دوشمان ایزی قان سیلنه سیلیرم گل !



ألرنده قلیج ، سونگو قیویلیجیم صاجاققدر ،
 بیرتوب گیجه نی ماوی ضباحلر آچاققدر ؛
 آبت بوقارانلق گوز اوکندن قاجاققدر ؛
 دوشمان سسی هیچ حقیقماق اوزره صوصاققدر ..
 « تورک » آدینه بر صوصیه جق اون ویرم گل ؛
 توکلر نه یامان ارلر ایمش گوسترم گل !..

ف . صاحب



قاولک دردی [۲]

کولکلر اوزاندی ، کونش قیزاردی ... اطرافی بر سسینزک آلدی . آقشام
 غریبکی اوزاقلره سینمشدی .
 اختیار چشمه نك یوصونلو یوزندن صیزان صولر یالاغه میریل میریل آقیور ...
 یاننده کی سو کودک انجه جک دالری اونی اویمک ایستر کی صارقیوردی .
 آغاجلرک آلتی قویتولا شدی .. ایلریده طاغلر ، أفلاطون رنکارله بویاندی ..
 قاولر هر زمانکی کی ساکت . باشلریخی قالدیروب سسینزکی دیکله دیلر .

[۱] ایتالیا و طرابلس غربه اشارت .

[۲] شاعرک قوالدن مرادی آناتولیک اینی اولسه کرک ..

برقارغه عجله ایله قانادلرینی چکهرک یوواسنه دونو یوردی . کولکه لر آریدی ..
 کونش باطدی .. هر طرف صوصدی ، صوصدی و دیکله دی ...
 اوزاقده برقاوال ! ... آغلایوردی .

کیم بیلیر ، کیم ؟ کیم بیلیر هانکی زواللی ، هانکی چاره سز .. بوجان سز قامیشه
 آجیلرینی ، املرینی دوکویور .. و او ، بیتمک توکنمک بیلمه ین اکیلتیلر یله ...
 آفاطولنک یوکسک یابالارندن ته بورالره قادار هر یرده طاغلره طاشلره
 هپ بویه آقشاملرک اسمرلکری آلتنده خزین خزین عکس ایدن خنچهر یقار یله
 بونلر ایچون ایکله یوردی ...

اوقادار یانیق ، اویله آجیقلی دردله نییوردی که بوتون قیرلرک قلبی طورمش ،
 بوتون بوجکلر صوصمش ، حتی بویونلرینی بوکهرک قارانلقلر آراسنده تیره شهن
 چیچکلر بیله طورمش اون دیکله یور ظن اولونوردی .

وشیمدی نیم اولدوغم یردن ، اوزاقده کسک کسک سسی طویولان اختیار
 چشمه صانکه بوایکه ین قاوالک دردی ایچون صیرلانیوردی .
 ای نیم قلبمک آشناسی قاوال ! ای یانکزلرک کیمسه سزلرک ، مخزونلرک سسی ،
 ای ترک اولونمش زواللقلرک ، آزیلش ضعیفلقلرک شکواسی !
 نه آغلایورسک ؟ !

دردک نه در ؟ سویله .. یالکنز سویله مه باغیر ! . برابر حایقیرالم .
 بوشیمدی طاغلرک طاشلرک ، اوتلرک قوشلرک بیله دیکله دیکی خنچهر یقار یکی
 ایشیتمه ین قولاقلر البت ، قوی و کور بوز سسمزی طویاجق .. و تاسالانما !
 اوزمان هونکور هونکور اونلر آغلايه جقدر ...

قیزیل طویوران آه یلمیر ..